

寄闲堂诗钞

全一册

清·易澜光

寄閒堂詩鈔目錄

五言古詩八首

七言古詩四首

五言律詩一十三首

七言律詩五十七首

六言絕詩一首

七言絕詩二十三首

總計古近體詩一百零六首

2

[illegible]

寄閒堂詩鈔

鶴山 易瀾光 曉川

出門

告母將出門母心已先苦叮嗔戒行裝謹慎嚴他
土雲鎖亂山巔曉煙迷遠浦遊子行匆匆母仍倚
外々父母愛子心屈指難已數昊天罔極恩沒世
不能補

風雨有感

風雨連宵不暫停簷前碎玉響丁丁夜牀無限關
心處起對寒燈誦鵲鵲

4
席上留別佛山諸友

十載春風裏芝蘭尚覺香敢云千里志難斷九迴
腸珠海他年月汾江此夕觴還期相黽勉時惠德
音長

寄懷伍南山

人生久不見咫尺成參商胡為使之爾風塵徒茫
茫望君若萬里夢寐繞君堂幸因魚與雁時可達
衷腸撫景對珠海故人汾水鄉徘徊竟終夜月落
江天長

訪故人李南村別墅

來訪故人址忽起故人思
寂寞南村墅翠竹橫參
差遙想生平志名利非可移
興遊山水勝靜則事
園池我來剛三月水滿花盈枝
不見故人面徒見
故人詩感此增惆悵夕陽啼子規

詠史二首

位極人臣不朽功安危倚重兩朝中
一生福命傳
今古百戰忠誠貫始終威服蕃酋能致腹讒消
宦
豎在和衷豈徒大度逢明主天上神仙識令公
克復中原事可期勢成破竹竟班師君讐未報臣
心苦朝議翻為敵國資忍把長城先自壞縱安南

6
渡豈能支更憐三字沉冤獄白日浮雲蔽不知

遊東坡亭

澄波千頃接長空遠浦羣峯入望中茂樹濃陰環
左右石臺流水折西東江山依舊伊人渺風月無
邊自古同撫景便為行樂地登臨何必歎飄蓬

柳隄

石螺岡側古亭西一徑斜通望欲迷鎮日綠陰涼
似水蟬聲滿樹柳垂隄

沙灣

螺岡曲曲抱江邊蘆荻洲前楊柳煙出沒布帆人

7
不見數聲漁笛夕陽天

夢遊頂湖寺

聞說頂湖已十秋依稀曾作夢中遊望來寺裏山

雲合直到門前溪水流

建用常句

一路綠陰松繞壁數

聲清磬月當樓悠然神往三千界醒後猶思更上

頭

講經壇在老頂湖最高處云

江門與諸友詠野菊得霜字

黃花自古羨柴桑分種何緣到野傍猶是東籬聯
舊雨不妨北郭對斜陽繁華隊裏能留節荆棘叢
中獨抱香早喜江梅花幾點禁寒同爾傲風霜

月夜登海珠樓

雲歸海角雨初收
風送潮聲月滿樓
倚檻不勝懷古意
心隨流水共悠悠

過崑崙徑

崑崙山在縣城東北兩崖相夾中有大道土人謂之徑

故里歸來春欲暮
肩輿偶過崑崙路
崑崙之麓好饒田
禾生被陌澆山泉
種茶直上山之巔
茅屋數椽流水邊
其中男女勤耕作
黎明即起至日落
且種且鋤且互歌
身雖憔悴心却樂
嗟我栖栖者何為
羨彼閑閑皆自若
是時午雲半陰晴
谷口南風向面生
披襟引領意無限
滿耳松濤挾雨聲
對茲

風景情難違將擬移家入翠微

遊西樵山

未到西樵遊已景西樵景推蓬一遙望望見雲中
影歷歷各巖洞一一皆秀整尋訪僊人蹤流丹存
古井再上大科峯西樵最高嶺夜半天雞鳴日出
扶桑境俯仰一長嘯萬籟皆虛靜明發登舟去倚
棹猶引領

明妃

妾本黃金屋裏人平明承寵漢皇恩紅顏却被丹
青悞畢竟紅顏悞妾身

休怨圖工解悞卿由來豔色是傾城漢宮粉黛誰
無死青塚于今獨著名

俠士

慷慨平生義足誇交游四海不為家輕身一諾酬
知己氣奪秦皇博浪沙

登大良青雲塔

十里松濤夾岸開登臨彷彿到蓬萊浮圖百尺凌
霄立古木千章特地來遠浦風帆連海島隔江煙
樹隱樓臺憑欄天外觀何極無限詩情作畫胎

水僊花

華堂春暖笑顏開笑逐梅花占早魁香入芝蘭同
氣味澹如冰雪絕塵埃輕盈洛水凌波立縹緲湘
江印月來莫訝僊名幾修到一空凡豔即僊才

書懷

幾時無事歸去把箇俗情盡刪樽酒松間石上白
雲流水青山

仲兄瑤峯扁舟至金溪適杜丈宜章喬梓黃
君雱谷昆仲杜君煥祥暨世講輩相值舟
次會風雨盤旋連日念彼此睽別二十餘
年一旦聚首談契闊共展生平樂何如耶

余以事牽不獲斯行殊深悵悵聊成一律
用誌所懷并寄諸友

想見相逢把臂時幾番驚喜幾番疑定知隨棹錢
投水不用登樓酒滿卮風雨一船三代好襟期千
里十年思獨憐珠海羈留客縮地無方歲月馳

哭亡女

好極難從兄弟論女兒那得報雙親言猶在耳人
何處纔到人間十五春

憶昔

憶昔少遊地別來三十秋山川猶入夢故舊每生

愁父執多黃土兄行半白頭不勝離合感世事水
東流

送姚鼎臣歸江西席上口占

臨歧無語送歸鴻無限離情杯酒中他日暮雲春
樹處地分南北又西東

流花橋步月

貪看夜色共追尋郭外扶筇步月吟花已當時流
去盡一橋虹卧水深深

遊粵秀山和梁夏峯韻二首

雲擁禪關古木陰偶來乘興一登臨天開百粵山

名著翠接羣巒春日深千里舳舻成畫譜萬家煙
雨入詩林霸圖想像餘花鳥往事徒勞騷客心
三月天時晴復陰濛濛雨色綴登臨白鷺浪向珠
江湧粵秀雲連學海深塔影雙浮春樹杪梵音幾
處夕陽林鷓鴣不斷啼芳草無限追吟感慨心

懷杜煥章

聚首緣慳各一天同騎竹馬憶當年少時那忍三
秋別壯志徒悲百慮牽夢入金溪迷舊雨愁生珠
浦阻寒煙無才未許誇投筆竟繫匏瓜歲月遷

蓬萊晚眺

寓宅羊城西郭
外名蓬萊里

25
家住蓬萊西復西
半依城郭半山溪
夕陽無限風帆影
十里荷香綠滿畦

偶作

抱負平生願未休
眼前歲月急如流
腰纏有客誇騎鶴
囊盡由人喚作牛
懶性難從趨世術
疎才不計為身謀
襟期落落豪氣呼
酒長吁憶馬周

王懷清來書謂客粵三年家有老母不能常
侍膝下以為憂答詩慰之

時運有遲速抱負猶未伸
別家千里外三載違慈親
賴有賢昆仲膝下侍昏晨
承歡具甘旨令嫂與

夫人客行雖云遠有方若比鄰更喜萱堂上頤養
得精神養親貴養心愛親須愛身既立丈夫志無
為兒女仁義君品質美努力惟自珍孝業在光垂
策馬向前津

冬至日見梅花有感和王懷清

啣杯幾日菊籬東又見寒梅破幾叢冬至漸將春
意動花開偏惹客愁攻守株歲歲人仍舊覽鏡年
年貌不同莫感韶華嗟老大雪中好作醉顏紅

次韻友人立春前一日

世事悠悠歲月頻風風雨雨動經旬驚心幾日年